

那文毅公奏議

那文毅公二任直隸總督奏議卷六十四目錄

卷六十四

恭報雨雪

那文毅公二任直隸總督奏議卷六十四

男容安恭輯

恭報雨雪

道光五年十二月初二日

奏各屬自入冬以來尙未得有雪澤

臣

職司守土盼

望正殷茲據順天府屬之三河寧河寶坻薊州香
河通州武清霸州東安保定永清順義昌平懷柔
密雲平谷永平府屬之盧龍遷安灤州撫寧昌黎
宣化府屬之宣化延慶懷安萬全蔚州懷來西寧
赤城遵化州併所屬之豐潤玉田易州併所屬之

廣昌口北道屬之張家口廳等三十五廳州縣稟
報於十一月十八及二十二三等日得雪一二三
寸不等祥霽應候土脉涵濡隨落隨融實於麥田
大有裨益惟省城附近尙未同沾臣連日虔事禱
祈亦時有形雲之象儻得甘膏渥沛當同各屬陸
續報到之處隨時奏

聞以紓

宸厪謹

奏奉

硃批知道了

容安謹按道光五年十二月十九日

奏報十一月分各屬糧價摺內奉

硃批直隸至今尙未溥沛祥靈朕心深爲焦灼也

道光六年正月十三日

奏直隸地方去冬雪澤稀少前奉

硃批上勞

聖鑒臣職司守土所盼尤殷茲省城於正月初九日子

時起至辰時止疎密相間得雪一寸有餘並據良

鄉涿州通州保定固安永清東安房山昌平滿城

安肅定興唐縣博野望都容城完縣蠡縣雄縣祈

州束鹿安州高陽新安撫寧肅寧任邱靜海行唐
新樂宣化保定懷安遵化玉田易州涑水深州饒
陽安平定州曲陽深澤等各州縣先後稟報於初
五六八九等日得雪一二三寸不等現在天氣晴
暖俱已融化入土春田滋潤麥苗可資長發俟各
屬報齊再行彙奏謹

奏奉

硃批京師自初八日飛泥祥霽天氣和暖時大時小六
七日閒約得雪四寸還多土脉甚屬滋潤二麥可望
豐收朕敬感

天恩曷勝欣幸

道光六年正月二十三日

奏爲恭報通省各屬得雪分寸日期事竊照直隸省城及良鄉涿州等四十三州縣昨於本月初八九等日獲霑雪澤卽經繕片具奏欽奉

硃批京師自初八日飛灑祥霏天氣和暖時大時小六七日間約得雪四寸還多土脉滋潤二麥可望豐收
朕敬感

天恩曷勝欣幸又接閩邸抄奉

上諭上年京城入冬以來得雪寸餘並未渥沛祥霏茲

值

祈穀大祀適於朕詣

壇齋宿之日六花飄灑自初八日申刻至本日卯刻方止

積厚三寸有餘於農田大有裨益此皆仰賴

昊蒼垂祐實深欽感欽此仰見我

皇上撰合乾符

恩澤兌澤

天庥默召欽感格於

寅衷

帝德難名

溥覃敷之子惠洵涵濡夫溥海尤渥被於畿封茲保定
省城復於本月十四五兩日得雪三寸而通省各
府直隸州所屬並據先後具報自正月初五日起
至十六日止連次得雪二三寸至一尺不等併聞
豫東兩省境內均亦一體優霑欣雨露之無私快
豐登之普兆昨者春田澤沛正迓

辛祈對越之庥連朝花甸膏濃益荷

申錫延洪之慶

臣依

光最近守土攸司惟期玉燭常調紀十雨五風之瑞金
穰歲卜治餘三耕九之熙仰

聖瞻

天實不勝欽感歡欣之至謹

奏奉

硃批知道了覽奏欣慰

道光六年四月初一日

奏保定省城并各屬二月間得雨情形昨經臣繕片
奏

聞在案茲省城復於三月三十日戌時起至四月初一
日寅時止得雨五寸有餘入土頗爲深透并據良
鄉涿州通州三河薊州武清寶坻香河寧河霸州

保定文安大城固安永清東安房山順義懷柔平
谷滿城安肅定興新城唐縣博野望都容城完縣
蠡縣雄縣祁州束鹿安州高陽新安盧龍灤州遷
安撫寧昌黎樂亭臨榆河間獻縣阜城肅寧任邱
交河東光天津青縣靜海滄州南皮鹽山正定獲
鹿井陘行唐欒城靈壽平山贊皇元氏晉州無極
藁城新樂邢臺唐山內邱蔚州西寧遵化豐潤玉
田易州涑水廣昌武邑衡水趙州栢鄉高邑臨城
寧晉深州武強饒陽安平定州曲陽深澤等九十
四州縣先後具報於三月二十二三等日得雨一

二三四五寸不等麥苗得此甘霖可資長發大田
亦可乘時播種民情懽悅堪以仰慰

宸懷謹

奏奉

硃批京師尚未得有透雨曷勝亟望

道光六年四月二十二日

奏保定省城并各屬於三月間先後得雨情形經

臣

繕片

奏報在案茲省城復於四月十九日丑時起至辰時
止疎密相間得雨三寸有餘而雲遠陰沉霏微似

爲廣遠至於此外各屬如良鄉涿州通州武清寶
坻香河宣河霸州保定文安大城固安永清東安
房山昌平順義滿城安肅定興新城唐縣博野望
都容城完縣蠡縣雄縣祁州束鹿安州高陽新安
盧龍灤州遷安撫宣昌黎樂亭臨榆河間獻縣阜
城肅寧任邱交河景州故城吳橋東光宣天津
青縣靜海滄州南皮鹽山慶雲正定獲鹿井陘阜
平行唐靈壽平山贊皇元氏晉州無極藁城新樂
邢臺沙河南和平鄉廣宗鉅鹿內邱任縣永平邯
鄲成安肥鄉曲周雞澤威縣清河磁州大名元城

開州南樂清豐東明長垣宣化保安蔚州萬全懷
安赤城西宮龍門懷來豐潤玉田易州涑水冀州
南宮新河棗強武邑衡水趙州栢鄉隆平高邑臨
城深州武強饒陽安平定州曲陽深澤張家口獨
石口多倫廳等一百二十九廳州縣現據先後具
報於三月三十至四月初一暨十一二并十六十
八九等日得雨一二三四五寸及深透不等麥苗
暢發大田亦可一律播種臣頃閱邸抄敬悉京師
近來尙未得有透雨昨已仰蒙

皇上諏吉開壇

躬親祈禱以致

至誠所感旁逮畿圻旬日之間得獲甘霖疊沛臣職司
守土欽感難名此內惟大名府屬七州縣乾旱較
久雖經得此膏澤尙未能入土深透現已飛劄飭
查該處近日如何情形儻能續獲透雨再行奏報
謹

奏奉

硃批京師連獲甘霖十分深透覽卿奏各屬已得雨澤
惟大名所屬尙未深透一經渥沛卽行具奏

道光六年七月十六日

奏查直屬各州縣自秋禾布種以來前經疊次得雨均已隨時奏

聞在案茲據順天府屬之涿州三河武清薊州香河宣
河固安永清平谷保定府屬之清苑新城望都蠡
縣永平府屬之盧龍灤州遷安撫寧昌黎樂亭臨
榆河間府屬之河間阜城吳橋宣天津府屬之
天津青縣滄州鹽山慶雲正定府屬之正定井陘
阜平行唐平山晉州無極藁城新樂順德府屬之
邢臺沙河南和唐山平鄉鉅鹿任縣廣平府屬之
永年邯鄲成安曲周雞澤大名府屬之大名元城

開州南樂清豐東明長垣宣化府屬之宣化保安
萬全懷安西寧龍門承德府屬之平泉豐寧建昌
赤峯朝陽遵化州併屬之豐潤玉田易州所屬之
廣昌冀州併屬之棗強衡水趙州所屬之隆平臨
城深州併屬之饒陽安平口北道屬之張家口廳
等八十一廳州縣先後具報於七月初三四至初
七八等日得雨一二三四寸不等秋田潤澤禾稼
益資秀實卽大名府屬各州縣自本月初三四等
日得雨以後又於初十十一等日普律優霑秋成
大局總可有望粥廠已先後停止其餘一切事宜

俟新調大名道李德立查議稟到再行隨時核辦
惟邇來省城附近一帶及定州所屬州縣未經得
雨土脉頗形乾燥臣現在率同司道設壇虔誠步
禱一俟獲沛甘霖再行奏報謹

奏奉

硃批知道了

謹按道光六年八月初五日

奏

臣於前月二十六日

陛辭後於沿途經過固安涿州新城容城等州縣禾稼
均極豐稔通省約收總計八分有餘早禾已刈穫

登場間并頗有豐盈氣象省城自七月十六七八等日得雨之後復於七月十九等日得雨三次又於八月初二日竟夜大雨業已深透并據順天保定河間天津正定順德廣平宣化大名遵化趙州深州定州等府州屬具報於七月二十四等日得雨一二三四五寸至深透不等約計通省雨水亦尙調勻其秋稼刈穫之處甚以翻犁布種秋麥在地晚禾得此雨澤滋培顆粒更形飽綻於收成分數亦有增益均堪仰慰

聖懷謹

奏奉

硃批知道了朕心稍慰

道光六年十二月十五日

奏爲直省各屬得雪情形事竊查直屬地方入冬以來土脉稍覺乾燥農民望澤孔殷前據承德府并良鄉等八十九州縣先後稟報於十月十八九日及二十三四等日得雪一二三四寸不等雖未能深透而麥田藉此稍爲滋潤嗣據井陘等二十二州縣具報復於十一月十九暨十二月初八九等日得雪一二三四寸惟省城至今尙未得雪臣現

在率同司道虔誠步禱一候祥霽渥沛卽行奏
聞謹

奏摺內奉

硃批知道了京師至今未見雪澤朕心曷勝焦灼

容安謹按道光七年正月十五日奏報回省日
期奉

硃批已交春令直省尙未普獲祥霽實深渴望

道光七年二月初四日

奏爲省城并各屬續得雪澤情形事竊查直省地方
自上年十二月得雪三四寸後尙未續沛祥霽入

春以來土脉稍覺曠乾麥苗亟需滋潤民間望澤
孔殷茲省城於二月初一日子時起至次日未時
止先雨後雪實有五寸餘并據順天府屬之良鄉
涿州霸州固安永清東安房山保定府屬之束鹿
滿城安肅定興新城唐縣博野望都容城完縣蠡
縣雄縣祁州安州高陽新安永平府屬之樂亭河
間府屬之河間肅寧任邱正定府屬之正定獲鹿
灤城晉州無極新樂順德府屬邢臺沙河任縣廣
平府屬邯鄲成安磁州趙州并所屬栢鄉深州武
強饒陽易州并所屬之涞水定州并所屬之曲陽

深澤口北道屬之獨石口多倫廳等五十州縣廳
先後稟報於正月初六十五六并二十一及三十
日至二月初一日等日得雪一二三四寸不等當
茲麥苗長發之時得此渥澤優霑不特二麥可期
豐稔卽去秋未種各地亦可乘時翻犁補植春麥
輿情歡忭胥慶綏豐洵足仰慰

聖懷謹

奏奉

硃批知道了

道光七年二月二十六日

奏保定省城并各屬得雪情形經臣恭摺奏

聞在案茲據順天府屬之良鄉涿州通州武清寶坻寧
河霸州保定文安大城房山昌平保定府屬之安
肅定興新城容城雄縣新安永平府屬之樂亭河
間府屬之河間獻縣阜城肅寧任邱交河景州故
城吳橋東光寧津天津府屬之天津青縣靜海滄
州南皮鹽山慶雲正定府屬之正定井陘阜平行
唐靈壽平山贊皇元氏藁城順德府屬之邢臺沙
河南和唐山平鄉廣宗鉅鹿內邱任縣廣平府屬
之永平邯鄲廣平雞澤威縣磁州大名府屬之大

名元城開州南樂清豐東明長垣宣化府屬之延慶懷來遵化州屬之玉田易州并屬之涞水廣昌冀州并屬之棗強武邑衡水趙州屬之隆平高邑臨城宣晉深州屬之武強安平等八十四州縣先後續報於正月三十至二月初一二并初九暨十三四十六等日各得雨雪一二三四五六寸不等當此東作方興得此時雨普霑土膏更覺滋潤不特已植麥苗藉可滋長卽未種田禾俱可一律翻犁布種民情歡悅洵堪仰慰

宸懷謹

奏奉

硃批近京一帶總未優沾朕心曷勝焦切

道光七年三月十七日

奏爲直屬地方入春以來雨澤並未霑足盼望甚殷
茲保定省城於三月十二日得雨一寸並據順天
府屬之通州三河武清寶坻涇河冀州香河保定
文安大城永清東安昌平保定府屬之滿城安肅
博野望都容城蠡縣雄縣祁州束鹿安州高陽新
安永平府屬之盧龍遷安撫寧河間府屬之河間
獻縣阜城交河肅寧任邱景州東光天津府屬之

天津滄州靜海青縣南皮正定府屬之正定獲鹿
井陘行唐樂城靈壽晉州贊皇元氏平山無極藁
城新樂大名府屬之元城南樂開州東明長垣順
德府屬之邢臺沙河南和鉅鹿唐山平鄉任縣內
邱廣平府屬之永年曲周邯鄲成安廣平雞澤磁
州遵化州屬之玉田豐潤冀州屬之南宮趙州并
所屬之栢鄉隆平高邑臨城宣晉深州并所屬之
武強饒陽安平定州并所屬之深澤等九十州縣
先後稟報於三月初九初十二十三等日各得
雨一二三四寸不等正當麥苗長發之際獲此雨

澤滋培麥秋有望農民甚爲歡忭謹

奏奉

硃批京城至今未霑雨澤春麥已無可望若再不雨大田如何播種朕盼望之餘更深憂懼奈何奈何

道光七年四月初一日

奏爲續報得雨情形事竊照直屬地方春雨未能霑足農田盼澤殊殷茲得仰荷

皇上設壇親禱隨於三月二十二二十三並二十八九等日各屬間報得雨均至一二三四寸及深透不等茲省城亦於三月二十八日自辰時起至二十九日

亥時止幾及兩日一夜大沛甘霖既優且渥查探
四鄉均已深透二麥藉資暢發秋禾棉花亦可乘
時播種農民歡忭倍常洵堪仰慰

宸厯再查二十八九兩日陰雲甚濃雨勢亦廣可期通
省一律優霑容俟飭查到日另行奏

聞

奏奉

硃批京師於二月二十八九得雨兩晝夜遠近一律深
透實深慶幸想通省均可沾沐

天恩也

道光七年四月十四日

奏保定省城一帶地方前得透雨經臣具摺奏

聞在案茲續據順天保定永平河間天津正定順德廣平大名宣化承德等十一府并遵化易州冀州趙州深州定州等六直隸州及口北道所屬各州縣廳先後稟報亦於三月二十八九并三十日各得雨三四五六七寸及深透不等核計前後所報雨澤通省普霑二麥藉資暢發秋禾均已布種農民歡忭異常至大名府一屬前因欽奉

諭旨垂詢當卽聲明飛查至日復奏茲據大名道府稟

稱該處於二月內及三月初九十八等日偏得雨
三次茲又續獲甘霖自三四寸至深透不等現在
麥苗長發高至五六七寸不等已種大田棉花出
土青葱未種者亦俱播種齊全地方民情甚爲安
貼洵堪仰慰

宸懷謹

奏奉

硃批知道了又奉

硃批覽奏欣悅京師自上月二十八九日得雨深透之
後又獲甘霖三次各二三四寸不等接續霑濡大田

徧行耕種實深慶幸也

道光七年四月二十九日

奏據順天府屬良鄉等十六州縣保定府屬安肅等
五州縣永平府屬盧龍等四縣天津府屬天津縣
正定府屬行唐等三縣順德府屬唐山等四縣廣
平府屬永平等三縣宣化府屬宣化等四州縣承
德府屬豐寧等四縣遵化州并所屬玉田縣易州
屬涿水縣深州并所屬饒陽等二縣定州并所屬
深澤縣口北道屬獨石口廳共五十三州縣廳具
報於四月初八九并十六七八二十四五等日得

雨一二三四寸及深透不等等情前來理合繕具
清單恭呈

御覽再各屬距省遠近不一申報到省先後不齊臣節
次飭查是以具奏稍遲謹

奏奉

硃批知道了

道光七年六月十三日

奏爲查明直省現在得雨處所及秋稼情形事竊臣

於本月初五日附奏薊州三河二州縣蝻孽萌生
隨時撲打盡淨於初十日奉到

硃批知道了京師自閏月中旬以後酷暑異常經旬不
雨甚恐秋稼黃萎如何是好朕心十分焦灼保定去
京不遠光景想必相似也欽此臣跪讀之下仰見
皇上念切民瘼

宵旰焦勞之至意臣查直隸本年春夏以來暘雨應時
田禾極爲暢發可望十分豐稔緣自前月望後未
經得雨自閏五月二十七八日酷暑異常大田漸
形乾旱民間盼澤甚殷嗣見邸抄知京師已蒙
皇上親行求雨本月十二日奉

上諭昨以暘旱虔申祈禱旋即渥沛甘霖欽此實皆

聖德感召立霈甘霖得以轉歉爲豐合省官民無不欣
慶忭舞查保定省城於初八日陰雲密布時得陣
雨不成分寸茲於初十日亥刻起至十一日寅刻
止省城連得大雨數陣雖尙欠深透計已得雨四
寸現在濕雲未散續又得小雨數陣且東風甚涼
霑被必廣現據各屬陸續稟到於閏五月二十三
二十五二十八九三十等日得雨一二三四五寸
及深透不等又於六月初十十一兩日各得雨清
單開呈

御覽其餘大名河間及冀州所屬有未曾得雨之處或

前月望前得雨畧遲或分寸較小禾苗不無受傷
秋收恐致減色至此次雨澤該三屬有無霑溉尚
未報齊其餘各屬秋禾情形統俟查報到日再行
據實奏

聞謹

奏奉

硃批覽奏稍慰京師於初八日酉刻小雨纖纖計可寸
餘十一日得雨深透炎暑頓消秋稼可期收穫十三
日戌亥之間又得陣雨四五寸凡此皆賴

上蒼賜惠

龍神佑靈朕欣感之餘倍加警畏仍祈入秋後雨暘應時萬寶告豐朕齋心敬待也又奉

硃批覽各屬所報得雨尺寸尙欠深透續得霑足卽行奏來以慰懸注

道光七年六月二十日

奏爲直省各屬續得雨澤情形遵

旨恭摺奏報事竊

臣

於本月十三日具奏直屬現在得

雨一摺十八日奉

硃批覽奏稍慰京師於初八日酉刻小雨纖纖計可寸餘十一日得雨深透炎暑頓消秋稼可期收穫十三

日戌亥之間又得陣雨四五寸凡此皆賴

上蒼賜惠

龍神佑靈朕欣感之餘倍加警畏仍祈入秋後雨暘應
時萬寶告豐朕齋心敬待也欽此又奏雨清單奉
硃批覽各屬所報得雨尺寸尙欠深透續得霑足卽行
奏來以慰懸注欽此仰見

皇上誠敬格

天民瘼時關

宵旰均得靈祇効順立召甘霖臣實不勝欽感欽佩查保
定省城於本月十六日酉刻雷電交作大雨如注

雖爲時不久已得雨二寸十九日寅刻又連得陣
雨計二寸土脉甚爲滋潤若得再沛甘霖秋稼可
望豐收現據各屬稟報其前次未經得雨處所均
已於本月十一二日得雨二三四寸及深透不等
並前次已得雨而此次續報於十五六七日得雨
者謹再繕清單恭呈

御覽內冀州趙州二處雖已得雨分寸較小尙覺乾旱
已批飭該州縣一經霑足卽行馳稟惟盼日內甘
澤渥降卽可轉歉爲豐謹

奏奉

硃批知道了

道光七年十月初三日

奏爲保定省城並各屬得雪情形事竊查直屬地方
自秋禾刈穫以來雨水調勻地土滋潤二麥陸續
布種均已一律暢發茲據清苑縣稟報省城於九
月十五日得雪二寸二十日續得雪五寸並據順
天等府州屬良鄉等一百十三州縣廳先後稟報
於九月十五十九二十二等日各得雪一二
三四五六七寸不等當此冬節甫交祥雲疊霽麥
田藉以植根明春甚易長發民情歡洽異常足以

仰慰

聖懷謹

奏奉

硃批覽

道光九年十一月二十六日

奏爲恭報各屬得雪日期仰慰

聖懷事竊照直隸省自入冬以來雨雪稀少農民望澤甚殷保定省城於本月二十五日得雪一寸餘並據順天永平河間天津正定順德廣平大名宣化遵化冀州趙州所屬之三河等六十州縣先後稟

報於十一月十四十五十七十八等日各得雪一二三寸不等當茲麥苗盤根之際獲此雪澤沾濡來年有望民氣恬熙洵堪仰慰

宸懷仍俟各屬續報得雪另行奏報謹

奏奉

硃批知道了

道光十年正月十六日

奏爲恭報保定省城并良鄉等州縣得雪情形事竊照直省自上年入冬以來雪澤稀少農民盼望甚殷臣節次督率在省司道等官並飭各府州縣一

體虔誠祈禱茲保定省城於正月十二日得雪一
寸並據順天等府屬良鄉等六十七州縣各稟報
於正月初三十一十二十三等日得雪一二三寸
不等麥苗不無藉資沾潤刻下甫交春今日來尙
有陰雲時起可冀祥雲續沛仍飭查各屬是否一
律均沾另摺奏報謹

奏奉

硃批知道了

道光十年正月二十六日

奏爲恭報保定省城暨各屬續沾雪澤日期事竊查

直省上年冬間雪澤稀少本年正月望前省城并各屬間有得雪之處尙不深透業經繕摺奏

聞在案茲於正月十九日省城地方得雪四寸飭據清苑縣查明四鄉一律霑透並據良鄉等一百三十九廳州縣各稟報均於正月十一二三及十七八九二十三等日得雪一二三四五六寸不等祥霽普沛土脉全行滋潤於春耕大有裨益民情歡洽洵堪仰慰

聖懷謹

奏奉

硃批知道了春雪普沾可謂慶幸之至

道光十年三月初一日

奏爲恭報保定省城并各屬得雨日期事竊照直隸
地方入春以來普沾雪澤經臣先後奏報在案茲
省城於二月二十五日得雨二寸並據順天等府
屬良鄉等七十六州縣各稟報於二月二十五六
七等日得雨一二三寸不等膏澤應時春田益滋
沾潤民情甚爲歡洽洵堪仰慰

聖懷並俟飭查各屬是否一律均沾另行奏報謹

奏奉

硃批知道了

道光十年三月十五日

奏爲恭報保定省城及各屬續得雨澤日期事竊照
二月間據省城等處稟報雨雪情形當經臣恭摺
奏報在案茲據清苑等一百十七縣廳稟報於三
月初二三四八等日續得雨澤一二三四寸至深
透不等值此麥苗長發之際獲此膏雨滋培豐收
可卜大田亦可乘時翻犁播種民情甚爲歡洽洵
堪仰慰

聖懷仍飭查各屬是否一律均沾另行奏報謹

奏奉

硃批覽

道光十年四月初九日

奏爲恭報省城并良鄉等州縣得雨日期事竊照直

隸地方入春以來雨雪頻霑業經

臣

疊次奏

聞在案茲省城復於三月二十九日得雨一寸四月初

二日得雨四寸并據順天等府屬良鄉等八十五

州縣廳各稟報於三月二十四五六七八九並四

月初二日日各得雨一二三四寸不等澍雨應時

二麥益滋暢茂大田禾稼亦乘時長發民情極爲

歡洽洵堪仰慰

聖懷仍飭查各屬是否一律均霑另行奏報謹

奏奉

硃批覽

道光十年閏四月初七日

奏爲恭報省城并良鄉等廳州縣得雨情形事竊照直隸地方自四月初間得雨之後連旬晴霽值此二麥揚花之際正需雨澤滋培茲省城於四月二十九日申時起至閏四月初一日申時止連宵達旦大沛甘霖入土極爲深透並據順天等府州屬

良鄉等一百十一廳州縣各稟報於四月二十一
二二十九并閏四月初一至初五各等日得雨一
二三四寸暨深透不等渥澤沾濡二麥益資茂實
禾苗亦皆長發青葱民情極爲歡洽洵堪上慰

聖懷仍飭查各屬是否一律均沾另行奏報謹

奏奉

硃批知道了

道光十年六月十一日

奏爲恭報

臣

回省日期及各屬得雨情形事竊

臣

陛辭出京於六月初三日抵省經過良鄉涿州徹夜大

雨實爲深透沿途察看秋禾均屬暢茂省城地方
亦於初七日得雨二寸並據順天等府州屬良鄉
等五十四州縣各稟報於六月初一二至初七八
等日得雨一二三四寸暨深透不等秋禾裸糧得
此澍雨滋培於秋收可卜豐稔民情極爲歡洽洵
堪上慰

宸厯仍飭查各屬是否一律均沾另行奏報謹

奏奉

硃批覽

道光十年六月十一日

奏直隸省城並各屬得雨情形業經奏報在案茲據
順天府屬之三河薊州平谷三州縣具報於閏四
月初六日得雨一二三寸不等又據順德府屬之
南和平鄉廣平府屬之永年邯鄲成安肥鄉曲周
廣平雞澤磁州大名府屬之大名元城開州南樂
清豐東明長垣遵化州屬之豐潤玉田等州縣具
報於四月二十九日至閏四月初六等日各得雨
一二三四寸暨深透不等通計闔省雨澤普沾於
二麥秋禾均有裨益民情歡洽洵堪仰慰

宸懷謹

奏奉

硃批本月十一日京師竟夜甘霖實屬深透朕欣感之至

道光十年十一月十五日

奏爲恭報寶坻等州縣廳得雪情形事竊照直屬地方自秋禾刈穫之後陸續布種二麥均先後出土時屆冬令正宜雪澤霑濡農民咸殷盼望茲據寶坻等五十二州縣廳各稟報於十月初二十二三二十二二十九三十等日得雪一二三寸不等祥霽渥沛二麥藉以盤根民情歡洽洵足仰慰

聖懷仍俟各屬續報另行具奏謹

奏奉

硃批覽

道光十年十二月二十四日

奏爲恭報保定省城並良鄉等州縣廳得雪情形事
竊照本年入冬以來直隸所屬惟寶坻等五十二
州縣廳得雪一次業經開單奏報在案其餘各屬
暨保定省城均未得沾雪澤官民盼望甚殷經
率屬虔誠祈禱茲於十二月十九二十等日省城
地方得雪三寸並據良鄉等一百二十二州縣廳

先後稟報於十一月十五十七二十一二十二十九
十二月初七十五十七八十九二十二二十一等日
各得雪一二三四五寸不等土膏潤澤臘雪迎年
二麥藉以盤根兆豐有象民情歡洽洵堪仰慰
宸懷仍俟續再得雪並飭查各屬是否一律均沾另行
奏報謹

奏奉

硃批知道了

道光十一年正月二十五日

奏爲恭報保定省城良鄉等州縣廳得雪情形事竊

照直隸所屬地方上年冬間屢得雪澤均經繕摺
奏報在案茲省城復於本年正月二十二三兩日
得雪四寸餘並據良鄉等一百十八州縣廳先後
稟報各於上年十二月中下兩旬暨本年正月十
二日至二十三等日次第得雪自一寸至五寸不
等並皆融化深透統計直隸全省除大宛兩縣及
承德府應由順天府尹暨熱河都統奏報外所有
通省府州均已普被祥霽田疇滋潤麥苗藉以長
發綏豐有象洵堪仰慰

宸懷謹

奏奉

硃批覽

道光十一年正月二十五日

奏

臣自六月回任後接准移交並陸續奉

旨特交京控案七起已次第審明

奏結六案惟十一月內奉到一案人証尙未到齊未

能審訊其各部院衙門咨交京控之案

臣隨時訊

明已咨結者四十餘起尙有未結者二十餘起或甫經准咨或因人証外出及咨查原案未到均分別催查展限一俟開印即可催提審辦不致久延

所有年終例應

題奏咨辦事件俱已掃數辦竣並無積壓本年直隸
地方仰蒙

皇上鴻福暘雨應時收成豐稔小民惟正之供輸將頗
形踴躍

臣

恐各牧令有以完作欠挪延不解情弊

督同藩司嚴切催提計截至封印前通省錢糧已
完至九分以上本節年旗租亦徵完銀四十六萬
餘兩全行分批委員解部兌收民間獲茲樂歲感
頌

皇仁急公向義復有餘力續捐義倉穀石爲餘一餘三

之計含哺鼓腹氣象熙恬洵堪仰慰

宸懷謹

奏奉

硃批覽奏均悉但歲將暮矣尚未渥沛祥霽曷勝盼望
容安謹按奏報雨雪事屬循例 先公歷
任總制奏議內均未具載惟

畿輔近地一雨一晴時關

聖念恭錄如右上以見

宸衷之感格下以徵民氣之熙恬云

那文毅公二任直隸總督奏議卷六十四

那文毅公二任直隸總督奏議卷六十五目錄

卷六十五

經營漕政

籌劃海運

那文毅公二任直隸總督奏議卷六十五

男
容安恭輯

經營漕政

道光五年十一月二十二日

奏本年截卸滯漕回空糧船其北倉在後卸竣之江西湖南各幫軍船二百四十六隻因河水結凍未能趕過津關業經天津鎮道分段安置守凍並經該鎮克什德奏蒙

聖鑒在案臣到任後卽飭天津鎮道督催已過津關各

船打冰南下不得稍事停留如果十分凍結人力

難施卽責成該鎮道分段妥爲安置專派官弁兵役彈壓巡防隨時稟報去後茲據天津鎮總兵克什德天津道鄭祖琛會稟現俱往來南運河一帶逐一查點自津關迤南起至安陵汛止除已催押出境共有十幫計船四百四十四隻外在後各船本係陸續趲行緣本月初四至初八九等日風勁寒凝河道一律凍合勢難再行催趲因卽就其所至之處令其停泊守凍查現在天津縣境內趙家場守凍船二十七隻楊柳青守凍船三十四隻靜海縣境內獨流汛守凍船五十九隻唐官屯守凍

船一隻滄州境內捷地汛守凍船十七隻磚河汛
守凍船十四隻南皮縣境內馮家口汛守凍船九
隻薛家窩汛守凍船三十隻景州安陵汛守凍船
四十隻此外尙有駛出直境由東省之德州經過
仍在直隸故城縣境內守凍空船八十四隻統計
直省地方津關以北並南運河一帶共先後守凍
回空軍船五百六十一隻分十三處停泊每處相
距數里至數十里不等並查得各船短絛人等均
經幫丁給資遣散其現在各船之頭舵水手詢均
給值長僱或有眷口在船同居或卽係旗丁親屬

俱有籍貫可稽與平時所僱來去無定之短絳不同且業蒙

恩旨借撥接濟銀兩無不感頌

皇仁安心靜守現已按各該船停凍處所派撥弁兵攜帶鍋帳器械支搭帳房常川巡防彈壓並按段派委文職暨河營汛弁各帶幹役河兵協同防守又委遊都牧倅等官分段統巡該鎮道仍往來稽查該水手等均各安分守法甚爲靖謐等情具報前來臣覆查無異現已批飭該鎮道等督率稽查往來加意防範務令始終安貼謹

奏奉

硃批知道了

道光六年正月初八日

奏爲恭報豫省重運漕船入直守凍日期事竊照豫省幫船北上係由直隸之大名元城二縣境內衛河行走前經劄飭大名道林培厚大名鎮總兵薛陞督查淤淺處所逐段挑濬深通以利漕運茲據該鎮道稟報豫省重運漕船共十幫於上年十二月二十六日行抵大名縣境內因冰凌凝結不能前進卽在該縣劉家莊一帶停泊守凍等情臣查

豫省重運船隻行抵直隸時值沍寒難以挽運自應准其停泊守凍已剗飭大名鎮道嚴督地方文武員弁加意防護彈壓稽查並令該道等會同河南糧道往來河干隨時照料一俟春融冰泮迅卽催趲前進勿任延悞謹

奏奉

硃批知道了

道光六年二月二十三日

奏爲恭報豫省重運漕船開行出直日期事竊照豫省重運漕船去冬在直隸大名縣境內劉家莊一

帶地方停泊守凍經臣恭摺奏

聞在案茲據大名道林培厚大名鎮總兵薛陞稟報現
值春融冰泮所有豫省守凍漕船共計十幫於二
月初五至初七日全數開行出境由山東館陶縣
一帶河道前進等情前來臣現已飛咨山東撫臣
派員接催並嚴飭南北運河文武員弁一俟重運
行抵安陵首汛卽加意防護催趲過行抵通交兌
不任稍有延滯謹

奏奉

硃批知道了

道光六年三月初四日

奏爲東省漕船入直過關日期事竊照東豫漕船向於春融冰泮之時卽入直隸省境前經臣劄飭沿河文武員弁查探水勢上緊迎催茲據天津鎮總兵克什德天津道鄭祖琛稟報山東首幫德州衛正幫重船四十五隻於二月十八日入直隸安陵汛境嗣據具報首幫軍船於本月二十四日催過天津關其在後跟接之濟寧左濟寧右臨清後東平所東昌濮州等六幫重運軍船共一百九十九隻於二十五日亦均催放過關等情前來並飭該

鎮道等督率沿河營汛員弁將後跟各幫上緊催
趲北上謹

奏奉

硃批知道了

道光六年五月二十四日

奏爲恭報南糧重運首幫入境日期循例奏

聞事竊

臣

前因南糧重運幫船將抵直境所有南運河

一帶古淺處所當飭沿河文武各員預爲疏濬一

面築壩蓄水並調撥船隻以備剝運查南糧入直

向應天津鎮迎赴安陵提催本年因該鎮克什德

催辦海運勢難兼顧前會奏明改派河間協副將
台費音屆時前往接催茲據該副將稟報南糧首
幫淮安二幫於五月十八日入直隸安陵汛境河
水足資浮送現在督率弁兵押催北上等情前來
已飛飭該副將督同營汛員弁實力催趲隨時察
探水勢相機妥辦務期駛行順利依次抵通毋稍
延滯謹

奏奉

硃批知道了

道光六年七月初八日

奏爲楊村撥船不敷撥用趕僱民船濟剝南糧以免
延阻事竊據天津鎮總兵克什德稟報南糧頭進
漕糧十六幫自第七幫江淮九業經在楊村起剝
開行北上以後其宣州幫至宿州二等九幫內除
池州一幫撥赴易州交卸外計頭進尙有八幫並
二進已過關五幫共十三幫自楊村挨次頂阻至
天津現因楊村所存官剝不敷撥用重船難以催
放差查三進首幫江西九江前幫於六月二十七
日入安陵汛三進尾幫湖南三幫六月二十一日
過濟寧約於二十八九日可出臨清閘口現在南

運河水充足三進二十幫必可連檣入直今楊村
剥船不敷撥用以致重運各幫頂阻停泊三進首
幫勢不能依限過關似應速僱民船接濟楊村起
剥等情又准漕運督臣咨稱全漕尾幫七月初間
即可趲出山東境直隸長河水勢通暢各幫行走
極速其在前糧船刻亦跟接過津所有楊村官剥
據委員稟報除撥裝海運轉運北倉滯漕暨故城
剥淺外所存備剥船隻不敷輪轉必須趕添民船
接濟以免守候等因前來臣查楊村官剥船
二千五百零四隻除上年供剥滯漕官船三隻

外實存船二千五百零一隻向係調齊楊村供剥
南糧歷年均無阻滯今歲因調赴天津濟剥海運
漕糧是以不敷撥用查各州縣解送楊村官剥二
千五百零一隻內除調剥海運船一千二百六十
六隻又調撥故城備淺船二百隻又裝運北倉滯
漕未回楊村船九十隻楊村實存船九百四十五
隻自杭嚴三至江淮九共用去剥船九百餘隻下
剩之船不敷一幫之用又因海運沙船難進口
需剥尤急業據楊村通判遵照海運總局劄調又
將各幫回空剥船奏挑四百隻趕赴天津濟剥海

迎核計官剥實不敷用自應趕緊添僱民船以濟
楊村起剥庶免南糧各幫延阻已飛飭天津道鄭
祖琛迅速添僱民船數百隻趕赴楊村供剥仍飭
將已抵通壩剥運卸空船隻催令飛卽轉回楊村
應用謹

奏奉

硃批知道了

道光六年八月初五日

奏爲南糧重運尾幫催過天津關日期事竊照本年
南糧三進幫船入直後節經臣嚴飭沿河文武員

弁星夜催提不許片刻停緩在案茲據天津鎮總
兵克什德稟稱本年南糧重運尾幫湖南三幫於
七月二十四日全數催過天津關等情前來臣仍
飛飭沿河文武各官嚴催北上抵通交兌趕緊回
空南下不任片刻停留謹

奏奉

硃批知道了

道光六年八月二十五日

奏爲南漕寄剥各幫全數完竣事竊照盤壩河運漕
糧共米二百六十萬四千二百四十七石零接運

軍船二千六百二十七隻除截留臨清及易州

陵精滄州兵米等項外其漕糧二百五十萬餘石經臣嚴

飭沿河鎮道督率地方員弁催過津關先後在楊

村起剥前進並飭多僱民船以備剥運嗣因時促

幫多經倉場督臣奏明白三進十幫以後全行寄

剥今據天津道鄭祖琛稟報在楊村寄剥之三進

軍船自南昌後幫至湖南三幫共十一幫督率丞

倅印委各員趕緊趲辦並陸續添僱民船四百七

十七隻協濟北上茲於八月十七日全數發剥完

竣統計全漕均已剥竣河道通暢水手人等均極

安靜現在回空各幫催令陸續挽過津關南下等
情具稟到臣查今歲海運並行深慮剥船輪轉恐
有遲悞今得仰仗

聖主洪福河水充足職司各文武押催出力幸於八月
中旬卽得回空不致有凍滯之虞實爲順利臣嚴
飭沿河文武各官迅速迎提押催空船過關南下
謹

奏奉

硃批知道了

道光六年十二月二十二日

奏爲恭報豫省重運漕船入直守凍日期事竊照豫省糧船北上係由直隸之大名元城二縣境內衛河行走前經臣劄飭大名道李德立大名鎮總兵薛陞督查河道淤淺處所逐段挑濬以利漕運茲據該鎮道稟報豫省重運漕船共十幫於十二月初八日行抵大名縣境內因冰凌凝結不能前進卽在該縣田教上灣一帶地方停泊守凍等情臣查豫省重運船隻行抵直境時值沍寒難以挽運自應准其停泊守凍以昭慎重並劄飭大名鎮道嚴督地方文武員弁加意防護彈壓稽查並令該

道等會同河南糧道往來河干隨時照料一俟春融冰泮迅卽催趲前進毋任遲延謹

奏奉

硃批知道了

道光七年二月十六日

奏爲山東省首幫漕船入境日期恭摺奏

聞事竊照東豫漕船向於春融冰泮之時應入直隸省

境前經臣飭沿河文武員弁查探水勢上緊迎

催茲據天津鎮總兵克什德稟報山東首幫德州

衛正幫於二月二十日挽入直隸安陵汛境其後

跟各幫亦跟接前進等情前來臣查南運水勢現在通暢足資浮送可期過行無阻仍飭沿河文武各員實力催趲謹

奏奉

硃批知道了

道光七年二月十六日

奏爲恭報豫省重運漕船開行出直日期事竊照豫省重運漕船上年在直隸大名縣境內田教上灣一帶地方停泊守凍經臣恭摺奏

聞在案茲據大名道李德立大名鎮總兵薛陞稟報現

值春融冰泮所有豫省守凍漕船共計十幫於正月二十一日至二月初三日全數催趲出境由山東館陶縣一帶河道前進等情前來臣現已飛咨山東撫臣派員接催並嚴飭南北運河文武員弁俟重運行抵安陵首汛卽加意防護催趲過行抵通交兌不任片刻停滯謹

奏奉

硃批知道了

道光七年四月十四日

奏爲恭報南糧重運首幫入境日期事竊臣前因南

糧重運首幫將抵直境所有南運河一帶古淺處
所當卽飭令天津道金洙督率沿河印汛各員預
爲疏濬一面築壩蓄水並調撥船隻以備剥運茲
據天津鎮總兵克什德稟報南糧首幫江南鎮江
後幫於四月初一日挽入直隸安陵汛境河水足
資浮送等情前來臣現仍飛飭該鎮道督率文武
印汛各員實力催趲隨時察探水勢相機妥辦務
期幫船通行順利迅速抵通早達

天庾謹

奏奉

硃批知道了

道光七年閏五月初四日

奏

臣於五月十四日將疏濬直屬南北運河情形附

片奏

聞在案現在南漕連檣北上二進安慶前後幫已於五月二十日挽入直境節經嚴飭天津通永二道督飭所屬將河道淺澀處所早爲設法撈濬或用草壩逼水抬高相機妥辦并飭多備剥船以資剥運正在督催挽運間於閏五月初一日接奉

諭旨南北兩河向多古淺著那彥成嚴煊程含章各飭

所屬實力催趲遇有淺澀及應行起剥處所一面多
集人夫預爲疏濬一面多備剥船以供轉輸欽此現
據各稟報自連次得雨後衛河水勢漸旺日內長
水一尺河水深三尺五六寸至四五尺八九尺不
等但河水長落靡定仍注意於淺澀處一形淺澀
卽設法辦理倘必須起剥已飭將官民各剥船一
律調齊備用足敷輪轉船無虞阻滯臣又嚴飭
印汛各官來往河干晝夜督催不許片刻停待務
使早達通倉得早回空以期稍紓

宸廑謹

奏奉

硃批知道了

道光七年七月初七日

奏爲南糧重運尾幫催過天津關日期事竊照本年
南糧幫船入直後節經臣嚴飭沿河文武員弁星
夜催提不許片刻停緩在案茲據天津鎮總兵克
什德稟稱本年南糧重運尾幫湖南三幫於六月
二十三日全數催過天津關等情前來臣仍飛飭
沿河文武各官嚴催北上抵通交兌趕緊回空南
下不任稍有遲悞謹

奏奉

硃批知道了

道光七年八月十四日

奏

臣

接據天津鎮道各稟報軍船回空尾幫撫州幫

於本月初八日全數趨出直隸安陵汛境挽入山

東柘圍境

臣

已飛咨山東撫

臣

派委員弁沿河一

律加緊嚴催務使晝夜遄行不容稍有停滯俾早

行甬下歸次受兌諸臻妥速以仰副我

皇上慎重轉運之至意謹

奏奉

硃批知道了

道光九年七月十四日

奏爲南糧重運尾幫催過天津關日期事竊照本年
南糧二進幫船入直後節經臣嚴飭沿河文武員
弁星夜催提不許片刻停緩在案茲據天津鎮總
兵汪道誠稟稱南糧重運尾幫湖南三幫於七月
初五日全數催過天津關等情前來查本年河水
充足重運足資浮送挽過天津關較往年計早十
餘日已飛飭沿河文武各官嚴催北上抵通交兌
趕緊回空南下不任稍有遲悞謹

奏奉

硃批知道了

道光九年十二月十八日

奏查河南內黃縣境漳河決口通道斷流本年豫省

漕船改由新衛河行走業經河南撫

臣

楊國楨附

片

奏明在案

臣

接准來咨因查新衛河道水勢散漫兼

多沙灘恐有淺阻當卽飭委熟諳河工之永定河

北岸同知蔣宗墉隨同大名道府迅速籌辦挖淺

築壩束水事宜以利運行茲據大名道稟稱豫省

幫船於十一月二十四日挽入直境隨帶同委員
蔣宗壩相度情形往來催趲彈壓擇其最淺之區
卽用稽料築壩束流并將中河積淤挑挖深通道
溜成河測量底水足資浮送復專委大名縣衛河
縣丞鴈維梁在於瓠子嘴一帶打水照料於十一
月二十八日全幫挽出古淺入岔河嘴運道於十
二月初八日催過直境行抵山東館陶縣界等情
前來臣查豫省糧艘向係在於直隸大名一帶停
泊守候次年二月解凍前進上年豫省兌收迅速
是以冬月初旬卽出直境本年幫船開行較遲且

改由新衛河行走程途紆繞河道淤淺難行幸該
道府並委員蔣宗墉相機籌辦得以迅速前進毫
無遲滯並移咨山東撫臣派員接催防護守束謹
奏奉

硃批知道了

道光十年三月初一日

奏爲山東省首幫漕船入境日期恭摺奏

聞事竊照東豫兩省漕船向於春融時挽入直境經臣

飭飭沿河文武員弁查探水勢上緊迎催茲據天

津鎮總兵汪道誠稟報東糧首幫德州衛正幫於

二月二十日挽入直隸安陵汎境測量運河各古
淺水勢現有三四尺以上足資浮送並探得東豫
各幫俱銜尾前來臣查運河水勢通暢可期進行
無阻並嚴飭沿河員弁趕緊催趲謹

奏奉

硃批知道了

道光十年四月二十六日

奏據天津鎮總兵汪道誠稟報南糧首幫淮安衛二
幫軍船二十四隻於四月二十日挽入直隸安陵
汎境現在河水尙資浮送等情並飛飭該鎮道督

率文武員弁實力催趲隨時查採水勢務期各幫船過行無阻早入

天庾謹

奏奉

硃批覽

道光十年七月二十日

奏爲南糧重運尾幫催過天津關日期事竊照本年南糧幫船入直後節經臣嚴飭沿河文武員弁並派天津河間二府分段彈壓星夜催提不許片刻停緩在案茲據天津鎮總兵汪道誠稟稱南糧重

運尾幫於七月初九日全數催過天津關等情前來臣查本年六月內北運河水勢驟長溜勢湍急繹挽難施未能暢行較上年南糧尾幫挽過天津關計遲十餘日現飛飭沿河文武各官嚴催北上交兌趕緊回空南下不任稍有遲悞謹

奏奉

硃批知道了

道光十年九月初六日

奏爲恭報回空糧船全數催出直隸安陵汛境事竊照本年回空糧船於八月十七日全過津關經臣

檄行文武員弁趕緊催趲南下毋許片刻停留茲
據天津鎮總兵汪道誠稟稱本年回空糧船尾幫
係湖南三幫已於八月二十九日全數催出直隸
安陵汛境等情前來並咨會山東撫臣加緊催趲
及早歸次受兌至安徽廬州三幫糧船水手張脉
子等在靜海地方毆傷運弁德昌一案業經臣將
大概供情奏報在案現在飭令臬司轉飭保定府
趕緊審辦俟審定再行具奏謹

奏奉

硃批知道了

道光十年九月二十五日

奏江廣等省分限代造直隸撥船委員押送至天津
交卸每因行程日久運費不敷在經過省分及天
津道庫借領口糧並回費等項銀兩歷經辦有成
案前准部咨嗣後無論撥何欸銀兩務須奏咨辦
理毋得擅行借撥等因茲江西委員贛州府定南
廳同知廣林解送二限剥船二百隻於八月二十
八日全數抵津經天津道飭委天津縣驗收該委
員以奉委押送剥船於道光九年三月十九日開
行沿途守風守東讓漕至本年八月二十八日始

行抵津前在本省原領水手人等口糧均已全數
支放尙欠各水手口糧並應支給回費等銀爲數
過多現在撙節支發必需銀一千兩該員差委在
外人地生疎無可措辦請由道庫借給支發咨回
原省扣解歸款等情由天津道李振翥據情轉稟
前來臣查本年七月間湖南委員武陵縣知縣盧
爾秋解送二限剥船抵津運費不敷前經臣

奏明酌借在案茲江西委員廣林亦以押送剥船因
沿途守風等事耽延以致運費不敷既據該道查
係實情該水手等人數衆多交卸之後若不及早

遣令回籍誠恐藉端逗遛滋事應請一體循照向
例在於道庫續增剥船油艙銀欸項下動撥銀一
千兩發交委員按名均勻散放各水手以便卽時
遣令回籍又委驗船隻應行賠修需費銀一千五
百八十兩連所借回費共銀二千五百八十兩一
併借給均由江西撫臣在於該員廣林報銷案內
如數扣解天津道庫歸欸謹

奏奉

硃批知道了

籌剥海運

道光五年十一月二十二日

奏爲籌議來年海運漕糧由天津剥運通壩各事宜
臚列條欵恭摺奏

聞事竊查江蘇省蘇松常鎮泰四府一州本年所收漕
糧前經兩江督臣琦善等議奏僱用商船於來年
春夏兩季由海運津仰蒙

俞允飭部議覆以商船卸米之迅速在剥船之多備而
剥船裝運或恐仍有不敷似又不若將剥運之米
就近起卸應令天津府縣將空出各倉并天津東

關附近寬大廟宇廣爲預備等因具

奏奉

旨依議欽此移咨到前督

臣

蔣攸銛行據藩司屠之申

天津道鄭祖琛會議列欵具詳蔣攸銛未及具奏

移交前來

臣

查蘇省漕糧僱用商船由海運津其

應如何由津轉運通壩事屬創始自應仿照北倉

截漕之例辦理惟商船航海而來卸載必須迅速

俾得及早回航方不致悞其貿易之期查蘇松常

鎮泰四府一州起運道光五年新漕一百五十萬

石加以帶征節年舊漕約共一百六十餘萬石分

爲春夏兩次運津每次約八十餘萬石需用剥船較多直隸額設官剥船二千五百隻以每隻裝米二百五十石計之卽儘數剥運尙不敷一次之用况前項剥船須撥給故城景州古淺處所二百隻備剥盤壩南糧又須酌留八百隻在楊村守候備剥南糧及豫東漕糧止餘船一千五百隻必須添僱民船五百隻於二月開河時先剥滯漕計三月中旬商船抵津維時豫東漕船亦可駛抵楊村起剥赴通催令迅速騰空循照截漕成案將回空單船留用約可抵作剥船五百隻共成二千五百隻

每次可剥米五十萬石若商船乘風同時齊到剥
運不及惟有於附近水次暫時露囤陸續運通總
期商船迅速回空不令日久羈候除將應需露囤
支銷剥船僱價口食商船進口縴夫及各項兵役
人夫飯食等項妥確估計臚列條款開具清單恭
呈

御覽再修理北倉及水師將備應行會哨巡護業經前
督_臣蔣攸銘分飭長蘆運司並天津鎮總兵遵照
辦理謹

奏

謹將來年蘇省漕糧海運至津應行籌備各事宜
開具清單敬呈

御覽

一海運漕糧到津應請仿照截卸北倉章程由坐糧
廳來津監收并令通倉經紀斛兌運通以歸一手
經理也查向來漕船因入直較遲恐悞歸次截卸
北倉剥運赴通者向由坐糧廳督令經紀驗收轉
運通倉此次蘇省漕糧由海運津業經兩江督
臣琦善等

奏奉

諭旨屆期

欽派大臣一二員赴津驗收監兌並經奏明驗米之後
一經兌交剥船卽與沙船無涉是旣杜經紀人等
需索刁難之弊並可免沙船羈留之累洵屬盡善
然在津斛收旣歸通壩之經紀辦理其裝載剥船
并起岸露囤及卸至北倉轉運赴通收倉亦應歸
經紀一手承辦庶法從簡易無旣收復交之煩應
請

勅下倉場侍郎循照舊章派坐糧廳一員並於在倉漕
白經紀一百二十五名中擇其誠實可靠者五六

十名先期飭令多帶斛隻口袋來津俟沙船到日
聽候

欽派大臣驗明米色卽開斛挨次兌收其運通交倉亦
令該經紀一手經理以專責成而免諉卸

一官剥船隻不敷應用遵照部議添僱民船并酌用
豫東回空軍船協濟也查直隸額設官剥船二千
五百隻內撥給故城縣景州古淺處所二三百隻
備剥外其餘均在楊村候剥南漕來年首次海運
抵津計在三月惟時豫東漕船亦可駛抵楊村而
清口盤壩之糧亦必於四月內啣尾北上其勢斷

難分投兼顧今議將前項官剥二千五百隻內分
撥古城等處備剥船二百隻又留給楊村八百隻
下餘一千五百隻預期齊集天津排列海河備用
仍按照歷年剥運俸米等項僱用民船數目從寬
籌備分飭沿河州縣僱覓堪裝漕糧二百五十石
民船五百隻連官剥船共成二千隻以備裝運如
首次海運抵津之期已將屆豫東軍船回空之後
查明北倉尙有滯漕未經運完卽暫留剥運滯漕
若滯漕已竣卽留津備剥海運漕糧設盤壩南糧
軍船連舨入直約計楊村所存剥船不敷輪用或

再添僱民船或卽於所僱五百隻之內抽撥應用
仍隨時察看情形酌辦總期足敷輪轉兩無貽悞
一漕糧應暫時露囤也查天津地方除北倉之外別
無倉廩附近水次亦無寬大廟宇堪以卸貯惟勘
得天津東關外上園地方高阜寬廣又對面雙廟
地方亦甚高敞此二處約可露囤四五十萬石緣
蘇省商船每年春間來津貿易自數十隻至百餘
隻不等向在上園至龍王廟一帶停泊月餘始行
回空故該處露囤最爲便捷來年首次海運抵津
計有漕糧八十餘萬石除一半轉運通壩外一半

卽在上園等處露囤俟官剥船轉回再行裝運惟
露囤不便過夏二次海運抵津約計米數先剥赴
北倉卸貯數十萬石下餘五十萬石徑運通倉俟
剥船轉回再由北倉陸續運通

一北倉應先騰空也查天津北倉可貯洪斛米四十
萬餘石計平斛米五十餘萬石現已卸貯本年江
廣滯漕應請

勅下倉場衙門於來年冰泮後剥船空閒之時全數運
赴通壩將厰座騰空預爲存貯海運漕糧之用
一剥船僱價飯米應照例覈實籌給以資食用也查

歷年北倉截卸漕糧用官剥船轉運赴通每百石
除扣油艖外向由運丁給船價并飯米折色銀七
兩零九分五釐五毫又將經紀每百石應得津貼
銀二兩五錢幫貼官剥船一半銀一兩二錢五分
計官剥船每百石得銀八兩三錢四分五釐五毫
如用豫東回空軍船代運將應給經紀名下每百
石津貼銀二兩五錢全數幫貼並令運丁每石分
出食米一升計豫東軍船代運每百石得銀九兩
五錢九分五釐五毫食米一石此係北倉轉運之
僱價來年兌剥係在天津東關外上園地方較北

倉增水程四十二里其僱價等項自須一體議增
且民船與官剥不同亦應量爲區別計北倉至通
州水程二百八十四里現增水程四十二里按十
成攤算應酌增一成半核計官剥船每百石應增
水腳銀一兩二錢五分一釐八毫連北倉至通僱
價等項共銀九兩五錢九分七釐三毫所僱民船
請卽援照豫東軍船代運價值給發再將所增水
程加給一成半銀一兩四錢三分九釐三毫食米
一斗五升連北倉至通僱價等項每百石共銀十
一兩零三分四釐八毫食米一石一斗五升照部

價折銀一兩六錢一分共需僱價并飯米折價銀
十二兩六錢四分四釐八毫按一百六七十萬石
米數計算共約需剥價等銀一十七萬餘兩此項
剥價銀兩應蘇省籌給應請

勅下兩江督

臣

如數解交倉場衙門轉發一面先由坐

糧廳於通濟庫內籌撥發交該地方官易錢按其
所載平斛米數折算洪斛核給如通濟庫未能墊
撥仍先由長蘆運庫天津道庫暫墊仍預期由倉
場暨坐糧廳檄移照辦至油艙一項除民船毋庸
扣繳外所有官剥船隻仍照歷年北倉轉運之例

每百石扣繳銀一兩二錢四分四釐毋庸議加仍俟漕竣核明銀數由坐糧廳移咨江蘇省在於漕贈等項銀內提扣解交天津道庫分別支用歸欸再應交米石起岸及運轉扛價並如何議給經紀耗米之處統歸倉場衙門核定辦理

一官民剥船在津守候應酌給口糧以免苦累并備辦露囤席片搭蓋棚廠僱用絳夫應籌撥經費俾資應用也查定例官剥船於九月漕糧完竣至來年四五月間除剥載豆麥有應得飯米剥價外其封河守凍四個月每船給工食銀十五兩在於長

蘆商捐銀內動支又官剥船除剥運漕米及奉天
豆麥外閒空時准其攬載商貨鹽觔四月之後卽
不能攬載遠行各等語是剥船每年二月開河以
後至四月爲止原准其攬載營生來歲剥船二月
開河以後卽須剥運截卸北倉滯漕赴通壩交收
應不准其攬載遠出但剥運滯漕完竣之後如海
運漕糧已經到津該剥船等均可受剥得價無虞
枵腹惟海運到津遲早難定而此項剥船不能不
合在津等候旣無例給工食又不便另請開銷自
應議給口糧以資接濟至僱用民船尤宜預先僱

備若俟海運到津始飭沿河州縣僱覓誠恐緩不濟急亦應給與守候之價應請將官剥船以運完漕漕到津之日起民船以受僱到津之日起均至受載漕糧之前一日止約計牽算守候十餘日以每船船戶一名舵工水手四名共五名每名每日給銀五分計算每船日需銀二錢五分民船亦照此數核給不准逾額約需口糧銀七八千兩其次海運到津不論各船守候與否應合於所得僱價內自行通融不准再行支給口糧以示限制又天津縣辦理北倉截漕席片並在倉夫役飯食等

項例無開銷每萬石向在於溢餘海稅項下動支
津貼一百兩至辦理露囤所需席片等項更多曾
於嘉慶十五年間詳定每萬石津貼銀一百四十
兩來年海運漕糧約計在上囤并北倉先後囤卸
七八十萬石共需津貼銀一萬餘兩近年並無溢
餘海稅來年沙船所帶二成貨物免徵稅銀其未
能徵有溢餘更可概見此外又無閒欸可動應由
江省籌撥津貼又搭蓋棚廠築牆挑溝以及兵役
飯食並一切襍用約需銀五千餘兩又沙船收入
天津海口駛至東關上園地方係屬逆流而上自

應僱備緯夫爲其拉挽前進庶可尅期交收及早
回帆不致久稽時日查天津海口至東關外上園
河程一百八十里每船約用緯夫十五名按沙船
一千六百隻計算約需緯夫二萬四千名照日行
五十里核計應分四日行走每名日給制錢八十
文共需錢七千六百餘千文其出口時係屬下水
毋庸加緯統計應需各項銀兩并錢合銀共三萬
餘兩應請

勅下兩江督

臣

江蘇撫

臣

在於各州縣水腳項下籌撥

銀三萬兩解直備用仍俟事竣據實造報

臣

衙門

核銷不敷補解餘則撥歸天津道庫節年墊發剥價以歸核實

一沙船抵津應擇寬闊處所停泊挨次交兌以免擁擠也查天津東門外龍王廟雖向爲海船聚集之所但河身狹窄兩岸居民稠密不但難容多船且空重船隻往來滙轉亦多未便茲查龍王廟迤下六里餘地名上園該處河面寬廣應令沙船到此專靠一岸停泊挨次交兌其兌竣空船卽令折回另擇寬處停泊隨潮回帆以後重船亦卽挨順前進以次交兌不得搶先壓後致啟爭端其受兌剥

船亦分定幫數卽在龍王廟至上園一帶與沙船對岸排列兌竣一幫卽押赴龍王廟以上停候開行空船亦卽挨順前進受兌總期魚貫蟬聯不使擁擠亦不令間斷以免稽滯仍由營派委弁兵自海口起沿途分設汛鋪催重趲空並由該地方官僱撥緯夫拉挽前進勿任無故停留其上園至龍王廟一帶並應按段派撥兵役往來稽查以杜船戶偷漏之弊至沙船進口日期應由大沽水師營叅將具文專差呈報由臣咨明軍機處奏請欽派大臣來津驗收監兌

一露囤米石應先期築牆挑溝以資嚴密而防雨水也查來年蘇省海運漕糧因轉運不及現請在於天津東關外上園雙廟兩處暫時露囤自應預期撥夫墊填平坦週圍土築牆垣每處以百丈爲率迎面空留丈餘設立柵欄俾有啟閉四面挑溝宣洩雨水仍於圍牆內囤米之處多備秫秸蓆片分設鋪墊苫蓋并搭蓋蓆棚四圍包括以蔽風雨棚外分搭窩鋪爲兵役守護駐足之所將來沙船到津亦挨次驗收勿令先後參差卽就剥船先兌米五十萬石於裝載後卽分起開行下餘米石卽起

岸囤貯俟剥船轉回裝運赴通交收二次運到漕糧亦照此辦理庶沙船不致日久羈候而經紀人等得以輪轉照料亦無顧此失彼之虞

一剥運米石應分起開行并派撥員弁兵役彈壓催趲以免停留滋弊也查通倉經紀一百數十名除留壩收漕外其分派來津者不過五六十名自應添增人夫斗斛盡力多起大約每日可斛收米四萬石剥運船隻應卽分起接續開行庶不致久羈滋弊而押運人役亦可輪轉更替應請將前到沙船先行起剥米五十萬石分作十起轉運每剥船

一百六十隻爲一起俟兌足米四萬石由經紀自
撥親信安人分起押運開行每起仍由鎮道派委
文職武弁各一員隨帶兵役各十名督同船頭彈
壓照料一俟運抵通壩聽經紀所派之人自行交
倉押運各員役卽稟知倉場衙門趕緊馳回接押
尾後各起米船其第二次海運到津由上園剥赴
北倉並北倉轉運赴通亦照此辦理仍飭沿途文
武印信員弁稽查催趲勿任剥船無故逗遛亦不
許船戶將米石顆粒上岸以杜偷盜攙和之弊至
漕米落倉起岸折耗在所不免如船戶並無弊混

該經紀人役亦不得藉詞勒指設或沿途有偷盜情事該經紀人役立速稟知押運員弁拏交所在州縣按律究辦以昭炯戒

一驗收剥船并支放剥價工食應設局派員經理俾有專責也查官剥民船應按裝運米數核發剥價並須於駛抵水次時先行逐船查驗排幫編號分撥安頓事務紛繁必須逐日在水次親身經理天津縣有應辦地方事宜僅堪總司出納未能久駐河干專心管理且船戶赴縣領價亦多未便應請照楊村起剥章程在於龍王廟設立總局遴委丞

倅三員帶同佐襍數員由天津縣酌派書役專駐局內俟剥船到日驗收記檔以一百六十隻爲一幫製備旗幟書明第幾幫第幾號船戶姓名令其挨順停候一面由天津縣請領銀兩照依時價易錢移交局員收貯俟沙船進口交兌時每日由坐糧廳將各船戶裝運米數開具印單發交局員將僱價并飯米折價銀兩照單核明給發不許絲毫尅扣仍令天津縣不時赴局照料道府亦輪往稽查統候事竣由天津縣會同該委員造冊報銷庶事有責成查辦亦臻周密

一官剥船隻應於今冬挑驗加修堅固以昭慎重也
查各州縣經管剥船每年例給油艚銀五兩三年
小修一次例給修費銀二十兩現在續增剥船造
解未久照例油艚堪以撥用惟原額剥船自排造
解直已有七八九年不等頻年撥用不無損壞且
今歲裝運奉米奉豆以及剥載漕糧往返多次更
多受傷應於今冬漕竣後逐一挑驗除船身堅固
者仍照例分別油艚小修外其有損壞較甚之船
非油艚小修所能完固者卽核實估計撥項加修
所需修費卽於道庫節存油艚項下動撥仍派員

督辦務期一律堅固以昭慎重

道光五年十一月二十五日奉

上諭那彥成奏籌議海運漕糧由天津剥運通壩各事宜開單呈覽來年蘇省漕糧僱用商船由海運至天津事屬創始所有起卸剥運各事宜自應預籌周妥俾商船及早回空不致羈留擁擠官民剥船足資轉運並免苦累其騰空北倉及暫時露囤章程均宜經理盡善一切承辦員役必須各專責成以期迅速而杜流弊著戶部將該督所奏各條逐加查覈速議具奏單併發

道光五年十一月二十二日

奏查蘇省商船旣須迅速回帆則起剥卽難緩待而剥船止有此數所恃接續輪流是剥船抵通必須隨到隨卸方能輾轆轉運查來年海運漕糧一百六十餘萬石清口盤踞漕糧二百數十萬石來年截卸北倉漕漕七十餘萬石加以豫東漕糧共計五百餘萬石均在三四五月接續剝運通倉以每日四萬石計算須五月有餘始能收竣剥船到通勢須等候不能刻日轉回續剝商船仍不免於羈候理合奏請

勅下倉場衙門將應如何兌收可期妥速不致剥船停待之處預爲籌議辦理謹

奏

道光五年十一月二十五日奉

上諭那彥成奏來年剥船抵通必須隨到隨卸方能輾轉轉運請勅倉場衙門預爲籌議等語本年截卸北倉漕漕七十餘萬石明年海運漕糧一百六十餘萬石清口盤壩漕糧二百數十萬石加以豫東漕糧共計五百餘萬石均須接續剥運通倉剥船到通不能刻日轉回續剥商船卽不免於羈候昨據戶部奏請

添製口袋五萬條木斛一百隻由倉場照例備辦自
已足敷輪轉著該侍郎將應如何兌收不致剥船停
待籌議章程妥速辦理毋任經紀人等藉端勒捐致
滋貽悞

道光六年正月初八日

奏爲遵

旨分飭遵辦恭摺具奏事竊本月初四日接准軍機大
臣字寄道光六年正月初三日奉

上諭本年海運抵津應籌備官剥民剥船隻及沿途稽
察彈壓事宜前經戶部議定章程請飭該督督同藩

司天津道妥爲經理藩司事務較繁若令其赴津辦理剝運各事往返需時或將本任事務不能兼顧二月朕啟鑒恭謁

西陵雖輪應臬司隨扈而一切差務亦須該藩司在省籌辦屠之申著無庸赴津督辦上年派令天津道鄭祖琛清河道陶樑催趲滯漕甚爲妥速所有此次應辦海運剝船各事卽飭派該道等專司其事並令於丞倅州縣實缺人員內自行遴選明幹曉事者數員稟知該督幫同辦理該督卽飭該道等先事妥籌如臨時稍有延悞惟該道等是問欽此伏查本年接剝海

運事屬創始所有直省應行籌辦一切事宜前據
藩司天津道會議章程經臣逐加酌核臚列條款
業已奏奉

諭旨交部覆准並經戶部奏明派委藩司親赴天津會
同該道妥爲督辦固爲慎重運務起見惟是此次
商船航海而來遲速究難預定即使乘風駛至尙
應分別剝運固卸各事辦理不免需時該司爲通
省首領事務繁劇本未便常駐河干且二月間恭
逢

皇上恭謁

西陵_臣與臬司俱應扈

蹕若再令藩司赴津督辦省垣更屬無人_臣現與司道
等及正擬奏請改派茲蒙

勅諭仰見

聖明燭照權度周詳俾令漕運地方辦理兩臻妥裕下
忱奚勝欽佩除遵

旨轉飭該司屠之申無庸前往並專派清河道陶樑天
津道鄭祖琛查照章程會同天津鎮妥辦至於應
需各項委員前因驗船發價編號排幫以及沿途
催趲彈壓諸務在在需人曾經奏明在於天津設

立總局現已遴選妥員分派執事卽飭該道等調集河干差遣委用并將應派武弁檄飭天津鎮預期選委隨同照料至剥船一項例有二千五百隻今細加查驗可用者有二百餘隻其餘一百餘隻可修者趕緊修理似應足用惟今歲起運北倉截留之米必須及早轉剥而霸北所留軍船受兌南來糧船之米維時須在四五月間正運河缺水之時屆時亦須剥船轉運恐二千五百隻尙不能敷用與其臨事周章莫如預先多爲僱備以期輪剥無悞

臣

仍督率藩司該道等隨時察核情形

寬爲籌辦務使商船及時起卸剥船迅就輪轉全
漕陸續運通不至稍有阻滯至其餘驗米兌收裝
載交倉等事均係倉場衙門承辦之件自當再行
移會該衙門屆時迅飭坐糧廳帶同經紀人等來
津經理以期各專責成所有遵

旨分飭遵辦緣由先行覆奏謹

奏奉

硃批知道了

道光六年正月二十三日

奏北運河上游自石壩起至王家務一帶河道每於

春間河水不能深暢重運剥船行走間有淺阻本年北倉滯漕應於海運未到以先趕運通壩而海運漕糧沙船到津卽須剥船轉運刻難停待必須先期查辦俾河道深通庶可無悞挽運現屆春融不日冰泮所有應需剥船及一應接運事宜已飭清河天津二道專事籌辦而經由之北運河河道則係通永道專管自應責成該道督同委員天津府知府周壽齡河間府同知曹福崇並務關漕運各廳迅速前往逐段查探如有淤淺之處立即相度挑修務令一律深通使剥船暢行無阻迅就輪

轉如此各專責成庶籌辦益臻周妥謹

奏奉

硃批知道了

謹案道光六年正月二十八日奏內

奏本年接剥海運事宜已飭清河天津二道遵照章程妥爲辦理北運河本係通永道所管臣又專劄飭令預期查辦俾河道一律深通以便剥船暢行無阻臣於扈

蹕差竣後由京順道赴津閱視河道查驗剥船隨時督令該道等在在妥籌不致少有延悞謹

奏奉

硃批所奏已悉

道光六年二月十三日

奏爲謹將辦理剥船河道情形先行恭摺覆奏事竊
本年二月十二日准軍機大臣字寄道光六年二
月十一日奉

上諭據陶澍奏海船初運米石現已儘船儘兌陸續開
出十漵地方候過二月初八日風信開行若遇順風
旬餘卽可抵津等語海船乘風開行抵津迅速必須
將應用剥船及一切事宜預爲布置周妥著那彥成

卽飭陶樸鄭祖琛等遵照節次奏定章程卽日籌備
妥協以便海船隨到隨剥勿稍遲滯欽此臣查本年
接剥海運數至一百五十萬石加以北倉囤貯盤
壩漕糧均須陸續轉運在在需船前因官剥恐不
敷用節經飭該道等多僱民船寬爲預備嗣據
具報業已分派沿河各州縣僱募民船五百隻連
官剥二千五百隻共成三千隻計可足敷輪轉現
在官剥已全數修舩民船亦將次僱齊二月初十
以前總可一律齊全排列河干聽候剥用至於北
運河河道現亦查明自津關以至楊村河身稍束

水勢深通測量底水均有四尺四五寸不等其卞
官屯以至石壩河面較闊水緩沙停雖不免間有
淤淺之處而測量底水亦尙有二尺四五寸不等
查每年剥船重載喫水不過二尺二寸目下水勢
儘可足資浮送臣因河水甫泮來源究竟微弱水
勢尙不足憑現已飭令通永道督同委員或實力
刮挖或築壩束水務須令底水深通舟行無滯其
餘上園地方應備露囤以及巡洋接護押運稽查
各事宜均已遵照章程逐一備辦不致再有延悞
惟是現在沙船計已開行若遇順風抵津必速誠

如

聖諭尤當格外預籌以臻周妥現已飛飭該道陶樸鄭祖琛等遵照加緊布置臣仍於扈

蹕差竣後馳赴天津查勘河道親驗剥船隨時督辦總使海船隨到隨剥毋稍遲滯以慰

聖懷理合恭摺覆奏謹

奏奉

硃批知道了

道光六年三月初四日

奏現據天津鎮總兵克什德清河道陶樸天津道鄭

祖琛等稟稱轉據水師營叅將李心德稟報二月二十八日探有蘇州府長洲縣第十三號郁同發沙船一隻裝運漕糧駛抵天津所轄洋面當卽率同各兵船員弁迎護至攔江沙外寄泊於二十九日早乘潮引進天津海口等情前來臣查蘇省沙船已有首船到口則此後各船諒可接踵而來已飛飭天津鎮親赴海口督飭派就員弁兵丁巡防照料查探迎護並飭清河天津二道將應行接剥一應事宜隨時妥速辦理毋稍延滯謹

奏奉

硃批知道了

道光六年三月十二日

奏據清河道陶樸天津道鄭祖琛具稟三月初二
四六等日又有續到沙船先後共計進口九十三
隻內已駛抵上園水次者七十三隻現經

欽差穆彰阿會同倉場侍郎

臣

申啟賢驗米開斛兌裝

剥船極爲順速等情前來已飭天津鎮道等督率
派就各項員弁兵丁押運巡防妥爲辦理將北倉
滯漕暫且停運所有剥船盡行調集上園水次務
令隨到隨剥隨開俾沙船及早起卸勿稍延

滯並一面飛飭沿海州縣營汛俟沙船騰空裝豆
後卽催趲趕緊南下以供二運謹

奏奉

硃批知道了

道光六年三月十七日

奏據清河道陶樑天津道鄭祖琛等稟報初七八九
等日續有沙船接踵而至連前共已進口一百三
十六隻已抵上園一百零二隻連日趕緊兌剥計
自初七至十一日共收洪斛漕糧七萬二千六百
餘石平斛白糧二百五十石起空沙船九十八隻

均退出寬處停泊迅速起卸貨物並經

欽差穆彰阿等按船分給免稅印單飭關驗收催令出口前赴奉天買豆回南接裝二運至受兌剥船以八十隻爲一幫每幫派委文武各一員管押赴通現於初八九十等日已開行三幫其餘官民剥船亦俱排列聽用一切均極妥速等情前來除飛飭督同在事文武人員實力趕辦並合嚴諭押運員弁及沿途派委巡查弁兵一體晝夜催趲不許片刻停留到壩收竣立即押空回津以期速益求速足敷輓轡輪轉之用現在一切事機均稱妥順堪

以仰慰

聖懷謹

奏奉

硃批覽奏均悉

道光六年三月二十四日

奏據清河道陶樑天津道鄭祖琛等稟稱本月十四日又有續到沙船連前共已進口四百二十二隻自十二日至十六日又經兌剥過洪斛漕糧六萬四千四百六十餘石平斛白糧二千六百三十餘石連前共已兌剥洪斛漕糧十三萬七千九十餘

石平斛白糧二千八百八十餘石騰空沙船一百八十餘隻均已催令隨時起卸貨物陸續出口又據江南押運營員川沙營外海水師叅將關天培稟報頭起海運沙船自二月二十九日收進天津海口起至三月十三日止共進口船二百六十隻十四日到口拋泊船二百五十餘隻又自廟島起跟接赴口船二百八九十隻一二日內即可全抵口門通計已到船八百餘隻惟天津口外有攔江沙一道水勢甚淺必候潮長七分仍須東南風方能乘潮收口連日風色稍遲未能暢進一俟風轉

東南已到各船卽可跟梢進口並探聞江南後開
各船現已連檣跟接如風色順利約計三月杪卽
可全到天津等情臣現已批飭該叅將妥爲管押
一遇風順潮長卽行乘時駛進並令天津鎮道督
飭派就員弁迎提接護俾免遲延至沙船所帶餘
米現奉

諭旨准令官民分售

臣

當卽飛咨順天府尹趕緊委員

赴部領銀並移咨穆彰阿督同清河天津二道暨
江南委員察看情形倘該處商民不能盡售卽照
市價官爲收買務使沙船迅速回帆無悞二運至

於業經裝兌剥船現據護通永道徐寅第稟報前
幫八十隻已於十六日到壩隨經坐糧廳驗米開
兌十七日兌竣後卽飭委員等押空回津其二起
後幫八十隻亦於十七日到壩東省漕船亦先後
抵壩共有九幫現在北運河水勢深通足資浮送
並飭該道等再行移會坐糧廳務將海運剥船及
東省漕船隨到隨兌一經收竣卽飭該委員等立
時押空馳回勿任稍有延滯謹

奏奉

硃批知道了

道光六年四月初一日

奏據清河道陶樸天津道鄭祖琛等稟稱連日以來
沙船到次較多斛收甚速自三月十七至二十一
日又兌剥洪斛米九萬五千四十餘石平斛白米
九千二百二十三石零連前共已兌剥洪斛漕糧
二十三萬二千一百三十餘石零平斛白糧一萬
二千一百餘石零騰空沙船前後共計三百七十
餘號亦均陸續卸貨出口至應行收買餘米一層

昨奉

諭旨當卽傳集已到各沙船戶詢據僉稱沙船大小不

一所得餘米自二十餘石至一百餘石不等除食用並留歸次口糧外約可售賣七成前此卸空各船已與民人交易現在船到較多一時恐難全銷今蒙

聖恩曲加體卹准照市價官爲收買無不感激樂從隨查照天津市價酌中定以白糧每石給市平紋銀三兩二錢漕米每石給市平紋銀二兩二錢較之該船戶零星售賣已爲得益並於起卸之時籌以便捷之法卽由江南委員按船將收買餘米數目單報坐糧廳於兌竣正米之後卽斛收此項餘米

仍將實收若干知會江南委員照數發價以歸簡
速如有情願賣與民人者仍聽其便其剥價及津
通一切經費悉照海運章程辦理事竣分別報銷
至剥船八十號爲一幫官剥現排列二十六幫民
剥除陸續搭運白糧外尙有四幫統計三十幫可
裝平斛米六十萬石現已剥用一半有奇委員押
運已過關者十四幫頭運兩幫業已折回船一百
四十餘號二運日內亦可轉回因恐沙船駛至迅
速兌剥或有不敷現又備價添僱民船一百號委
員解津如此多方籌備自可輪轉足用毋庸再行
甚好

等將以後續到沙船督率文武員弁趕緊催提駛抵上國起剥仍催令騰空沙船迅速裝豆南歸早供二運謹

奏奉

硃批知道了

道光六年四月二十二日

奏

臣

接准軍機大臣字寄道光六年四月十九日奉

上諭陶澍奏請飭催沙船以速海運一摺據稱現計存米尙有三十餘萬石專待前船回棹方能全行起運海船自南赴北總以四五月夏至前後南風司令最

爲相宜至六月中旬風暴靡常卽難行走且辦運員役人夫亦須及早竣事方可裁撤以節經費等語穆彰阿接奉此旨卽將現到沙船加緊剥運愈速愈妙並迅速收買餘米俾沙船得以早歸無悞二次接運並著那彥成晉昌常文盛泰等轉飭各該地方官催飭沙船迅卽裝貨回南並飛咨沿途海口催令迅速趲行俾得順趁風汛趕裝二運無使遲悞欽此

臣查

本年海運漕糧北上甚爲迅速計自二月二十九日起至四月十三日前後共已進口沙船一千一百二十一隻現據清河道陶樑天津道鄭祖琛等

稟報陸續共已兌剥洪斛漕糧七十萬九千八百六十餘石平斛白糧六萬七千九百五十餘石均經催令卸貨跟接出口現在官民剥船亦俱逐日開行赴通一切極爲順速經臣屢次隨稟批飭既須加緊兌剥尤在催令早歸方可無悞二運伏查蘇省存留之米尙有三十餘萬石約計需船數百號卽可全行起運雖不過初運三分之一而現在時交夏令已值南風司令之時海船重運北來可以順帆駛至無慮耽延惟刻下載豆回南或遇頂風折戩不免惜力稽程或冀多攬貨物到處逗遛

遲滯全在沿途海口實力催趲庶不致有延悞
前經節飭在事文武各員悉力趕辦均知急公出
力所有剥船既多輪轉有餘又一面嚴飭各該沿
海地方員弁一俟回棹沙船到境立即挨次催行
並咨會奉天府尹督令迅速買豆回帆不任稍有
停待茲蒙

諭飭再分別飛催並飭天津鎮道及江南委員等將兌
剥轉運及收買餘米各事宜隨在加緊辦理愈速
愈妙務令騰空沙船乘時啣尾裝貨南下趕供二
運以期妥速藏事併一面咨會山東撫臣轉飭沿

海州縣營汛一體接催無悞謹

奏奉

硃批知道了

道光六年五月十五日

奏據天津鎮總兵克什德等稟報四月二十九五月初二等日又到沙船六隻內有船戶周隆順孫永盛二隻係二運裝糧首船並詢據舵水人等僉稱現在上海水次已不分初運二運遇有船隻卽兌裝開行伊等由上海裝運時初運同棹之船已有十餘隻嗣駛抵成山洋面見有回南船約二三百

號此時計可歸次等情前來

臣

查初運船隻前據

清河道陶樸天津道鄭祖琛等稟報自三月初七
開斛起截至四月十七日止計四十日內共兌過
正耗漕白及收買餘米一百一十四萬餘石核之
江蘇原奏初次二次共米一百五十一萬石之數
已收四分之三所有到次沙船均經全數騰空押
催出口是此後米數已少接剥益覺紓徐酌留官
剥船一千隻排列上園等候海運其餘以一千隻
撥赴北倉轉運滯漕以五百隻分赴楊村爲備剥
盤壩南漕之用此外僱備民船均令其自此次運

抵通壩後聽其自行攬載毋庸再行留僱以示體卹至於原派之押運員弁兵役以及原議之接運剥船幫數亦經分別減撤臣逐加酌核均屬可行業經批飭妥爲籌辦隨時據實稟商毋稍延悞去後茲據天津鎮等具報二運首船業已進口二隻則其餘船隻諒亦連檣而至惟再飛飭該道等督同在事文武妥速辦理務須終始認真早爲蒧事以期仰慰

厪注謹

奏奉

硃批知道了

道光六年七月十六日

奏查本年直省接剥海運漕糧需用一切經費前據

司道籌議章程經

臣

確核奏奉

諭旨准行遵辦在案茲據清河道陶樸天津道鄭祖琛
會呈沙船進口由海河至上園起卸計河程一百
八十里逆流而上原定絳夫僱價每名日給制錢
八十文分四日行走共僱價三百二十文實屬不
敷請照糧船僱絳例每里給制錢四文每名需制
錢七百二十文仍加給守候口糧及住宿棚廠統

共約需制錢二萬四千餘千文又剥船沿途用蓆
苫蓋以蔽風雨計官民剥船二千五百隻先後用
過丈蓆十五萬千領按照時價採買每領價銀一
錢八分共需銀一萬八千九百兩又沙船舵口與
剥船艙口高低懸殊須用葦蓆做成溜米蓆桶方
得自上順板受兌迅速已用過蓆桶四千餘個需
銀四千數百兩各等情由天津縣詳經該道等核
議詳請咨部以憑事竣報銷前來臣查緯夫僱價
較之原議章程加增已及一倍而守候口糧住宿
棚廠亦爲原議所未及至剥船添用蓋蓆兌米添

用蓆榻亦爲原議章程所無雖據該道等聲稱均經

欽差大臣暨倉場侍郎飭令備辦而事關動項必須核實確查未便率准咨部立案况蓆片買價定例一錢一分直省每屆截漕需用蓆片每萬石津貼銀一百兩核計每領亦止一錢二分今以一錢八分先請咨部於例價亦屬浮多惟接剥海運事屬創行緯夫僱價或必須加增蓆片或必須多用分投採買例價實在不敷亦屬實情因思

欽差大臣穆彰阿督辦海運日駐河干該地方官等備

辦一切事宜均所目擊相應請

旨勅交穆彰阿就近確切查核據實議奏庶歸核實而免浮冒謹

奏

道光六年七月十九日奉

上諭那彥成奏接剝海運漕糧需用經費請交欽差大臣確切查核等語本年直隸接剝海運米石所需經費前經議定章程茲據該督奏稱緯夫僱價較原價計增一倍其守候口糧住宿棚廠並剝船添用蓋蓆兌米添用蓆桶均係原議所未及著穆彰阿確切查

明席片是否必須多用例價是否實有不敷據實覆
議具奏

道光六年十月二十四日

奏本年江省海運漕糧一百五十萬七千六百餘石
由直省預備船隻自天津接剥至通倉交收應需
剥船水腳飯米經江省先後委員解到銀十二萬
兩其接剥一切經襍各費亦經江省委員解到銀
九萬四百二十八兩零又因收買沙船餘米奉
旨飭發部庫銀二十萬兩均存貯天津道庫陸續分別
支用自二月接剥開運起至八月中旬止經

欽差大臣及倉場侍郎駐劄天津督率直隸道府會同
江蘇道府及各委員等認真趕辦妥協竣事所有
支用各項銀兩應卽分別造冊報部核銷查剥船
水腳飯米按照

奏定章程實用銀十一萬七千四百二十二兩零江
省係動支漕項銀兩本屬報部之欸現飭承辦各
員趕緊循例造冊由臣咨部核銷餘銀二千五百
七十餘兩聽候戶部另行撥用其收買餘米剥價
係部庫之欸亦應查照

欽差奏案一體造報咨部核銷惟接剥經襍各費如僱

給沙船繙夫苦蓋剥船蓆片及過載溜米蓆筒民
船守候口糧押運員弁兵役薪水飯食並因事屬
創始凡原議章程所未及而臨時必須應用一切
襍費均經局員會同江省委員隨時稟明

欽差及倉場侍郎摺節支用共銀七萬三千三百餘兩
在於江省解到另項銀九萬四百二十八兩內動
給此項銀兩前經江省

奏明係在外另籌協貼不敷及州縣漕費水腳並非
報部之款應毋庸咨部核銷仍飭承辦之員開列
細數移咨江省歸入沙船水腳等項彙案核辦並

將餘銀一萬七千一百餘兩一併移還江省收欸
以歸劃一而免牽混謹

奏奉

硃批依議戶部知道

道光七年十月二十九日

奏爲遵

旨妥議海運未盡事宜恭摺覆奏事竊臣承准軍機大

臣字寄奏

上諭穆彰阿奏海運章程八條船到最多之時剥運不
及酌分剥船載至北倉暫卸輪轉起運俟沙船全數

起竣再將北倉暫貯之米陸續起運總令一律運通
完竣方爲畢事民船既可少僱國費仍不多糜所有
米石旣於沙船起卸時由經紀等眼同斛兌剥船應
由倉場侍郎轉飭坐糧廳責令經紀等承運承交如
稍推諉卽行懲革其剥船運腳應由直督轉飭地方
官全數發給水脚如有攙和盜賣潮濕短少官剥將
船戶嚴懲民剥亦一併治罪仍令按數賠補沙船挽
至上園起米完竣必須挖土壓載方能出口應由直
督督飭地方官預撥官地准挖若干若土棍把持嚴
拏究辦所奏均屬可行著將改錯那彥成訥爾經額

陶澍凱音布朱桂楨等詳查妥議辦理總期在南不致以津貼病官以徵收擾民在北不致以刁難累商以剥運傷米方爲妥善又御史吳敬恒奏本年搭放海運米色不堪查海運自十潑出口直抵天津爲期不過一月海船寬深堅厚並無潮濕亦不致蒸受海氣抵津時曾經大員驗看一律乾潔何至入倉卽難久貯況商船每年裝販麥豆攜帶茶葉未聞海氣蒸變顯係剥船蠹役朋謀舞弊蓋剥船至通不能不落花戶經紀之手聞上年蠹役需索每剥船一隻約京錢二千至三四千不等稍不遂意故爲刁難該官

剥及添僱船戶等領有剥費斷無餘貲不得不取給
於現剥之米攙和藥末浸泡熱水每百石即可漲多
十餘石經紀等明知貯倉必定霉變顛預驗收等語
所奏不爲無見著該侍郎密查前項情弊從重究辦
並著直隸總督轉飭沿途押送剥船晝夜巡查倘再
有攙和等弊查出重究以杜弊端而重倉庾所有穆
彰阿吳敬恒摺並著抄寄閱看欽此臣伏查御史吳
敬恒條奏通壩經紀勒索剥船戶規費以致米石
攙水受傷委係切中時弊之言穆彰阿所奏八條
內江省徵收漕糧毋許以海運累民沙船水手酌

加調劑沙船耗米不准無故短少三條應由江省
核議覆奏緯夫僱價一條已據兩江總督蔣攸銘
奏明按糧石給發緯夫僱價令沙船自行僱覓在
案其餘應歸直隸核議四條如剥船水腳毋庸扣
留三成沙船壓載取土應指定官地不許稍越界
限二條均應如所奏辦理至來年沙船定爲一起
裝運連檣抵次之時必致剥運不及旣不便再添
民船致累商民而露囤實不若北倉之爲慎重亦
應如所奏分運北倉暫貯俾歸妥善惟查北倉只
能貯米四十萬石而海運漕糧一百六七十萬石

如果蜂擁而至運貯北倉亦恐厥座不敷容納似
應臨期由

欽派大臣察看情形斟酌辦理所需鋪倉蓆片等項飭
令天津縣先行備辦仍於上園水口勘定高阜寬
廠地面築牆挑溝墊成馬頭土道以資籌備其漕
糧到津起卸以後應歸經紀一手承運毋庸委員
押運一條接閱邸抄經倉場總督臣奏請仍由直
隸委員押運欽奉

諭旨准行臣查上年試行海運戶部原奏及議覆章程
米色之乾潔總以到津查驗爲憑

欽差大臣驗明起剥後卽涉經紀之手如有潮變惟經紀是問其裝載剥船並起岸露囤及卸至北倉轉運赴通亦應歸經紀一手承辦庶無旣收復交之煩並因分派赴津經紀不過五六十名准其自撥親信安人分起押運一俟運抵通壩聽經紀所派之人自行交倉等語是原議承運承交本責成經紀一手經理直隸派文武員弁有彈壓催趲之任而無交米之責上年通壩收米經紀誤以委員爲伊等卸責之人難免從中復向剥船需費船戶剥價幾何不能不取給於米石其弊相因若責成

經紀該經紀等自知潮濕短少皆應著賠又何致
勾通船戶索賈傷米其弊可以不禁而自絕是以
穆彰阿有見於此奏請毋庸委員押運以節糜費
現已欽奉

諭旨著仍照上屆章程由直隸派委員弁分撥押運帶
同兵役實力巡查以防偷漏欽此自應欽遵

聖訓查照上屆章程每剥船一百六十隻爲一起俟兌
足米四萬石由經紀自撥親信妥人分起押運開
行每起仍由鎮道派委文職武弁各一員隨帶兵
役督同船頭彈壓照料一俟運抵通甯聽經紀所

派之人自行交倉押運各員役卽起緊馳回押送
後起米船如沿途有偷盜情事該經紀人役立速
稟知押運員弁交所在州縣按律究辦此皆上屆
戶部原議如此分別責成則沿途彈壓催趲可資
委員之力抵壩後交米斛兌經紀亦不致再有諉
卸之私於慎重漕糧之意益臻精密謹

奏

道光七年十一月初三日奉

上諭那彥成奏議覆穆彰阿條陳海運未盡事宜各款
如剥船水腳毋庸扣留三成及沙船壓載取土應指

定官地不准稍越界限二條俱著照所奏辦理至來
年沙船定爲一次起運到津連檣抵次之時必致剥
運不及分運北倉暫貯原爲慎重倉儲起見惟據該
督查明北倉厰座只能貯米四十萬石若沙船紛紛
猝至剥運而外北倉厰座恐不敷用著臨時派往驗
米之大臣察看情形斟酌辦理所需鋪倉蓆片等項
飭令天津縣先期購備仍於上園水口勘定高阜寬
厰地面築牆挑溝墊成馬頭土道備用其漕糧到津
起卸以後應歸經紀一手承運一條前經倉場侍郎
等覈議請仍由直隸委員押運茲據該督以該省派

委文武員弁有彈壓催趲之任並無交米之責上年
通壩收米經紀誤以委員爲伊等卸責之人復向剥
船需索難免不取給於米石亦係必有之弊前已降
旨令該侍郎等嚴行查禁著查照上屆章程每剥船
一百六十隻爲一起俟兌足米四萬石由經紀自撥
親信妥人分起押送仍每起派委文武員弁各一員
隨帶兵役督同船頭彈壓催趲一俟運抵通壩聽經
紀自行交倉押運各員役卽起回押送後起剥船如
沿途有偷盜情事該經紀人役立即稟知押運員弁
交所在州縣按律究辦以專責成而免諉卸

那文毅公二任直隸總督奏議

卷六十五

空

那文毅公二任直隸總督奏議卷六十五